

## **Gitonga - Agape Milowo - God's Love Letter Scriptures**

**Johane 15:9 "Eni nyi mi gode, kha nga idzo Babe a nyi godego khidzo; simamani lihaladzoni gwangu.**

**Isaya 43:1,2 - VaEfeso 2:10 Kholu Nungungulu khuye a nga hi wumbago; a hi vangide, a hi tshanganisa ni Jesu Kristo gasi hi mane guvbanya nya gutale khu mithumo nya yadi, mithumo Nungungulu a yi dongisedego khu gale gu khuye hi vbanya khiyo ethu.**

**Jeremiya 1:5 - VaGalatiya 1:15 Aholu, Nungungulu, khu wuhigo waye, a nyi hathide na nyi ngari ndrani ga mayi wangu, a nyi ranela guta mu thumela.**

**Johane 15:16 Khandrenu mu nga nyi hathago, kheni nyi mi hathidego nyi mi rumela, gasi muya ninga miandro nya yingi ni gu miandro yanu yi simame. Khu kharato, ni gevbini mu na lombago ga Babe wangu khu lina langu, uye a na mi ningani**

**3 Johane 1:2 Gigodwa gyangu nya gigodwa, nyi ngu lombelela ga Nungungulu, gu kheni u vbanye gwadi womi wago kha nga edzi u gu wadi khidzo hefemuloni.**

**Isaya 43:4 - 1 Pedro 2:9,10 Aholu, enu mu lifumbu li hathidwego, mu vaphasi va Pfhumu, mu lihundzu li agisedwego Nungungulu, mu vathu mu lumbago uye. Enu mu hathidwe gasi mu huwelela tshivba ya Nungungulu, a mi ranidego mu duga gidemani, muta guwonegelani nya wenengedzo waye. 10 Gale enu mu disiri vathu va Nungungulu, Olu mu vathu vaye; gale mu di si wuti wuhindzi wa Nungungulu, olu mu wu hakhide.**

**Jeremiya 31:3 - VaEfeso 1:4 Gale, na gu si vangwi litigo, Nungungulu a hi hathide khu ga Kristo gasi hi khala sihathwa ni vathu nya ndruda nyambana gihoso mahoni gwaye.**

**2 Thimoti 1:9 Khuye a hi vbanyisidego ni gu hi rana, nasiri khu mithumo yathu, aholu khu gudzina ni wuhigo waye, a nga hi dongisela galeyo gu hi ninga khu Jesu Kristo.**

**Johane 3:16 "Kholu Nungungulu haladzide ngudzu litigo gu kala a ningela Mwanaye wa moyo, gasi ni wevbi a khodwago gwaye a si mbembi, aholu a mane guvbanya nya gupindruge.**

**Oseya 11:8; Isaya 49:15,16; & Isaya 41:13,14**

**Luka 12:32 Jesu a di engedza khuye: "Mu nga thavi, tshambi  
dugwana, kholu Babe wanu dzinide gu mu ninga mufumu waye.**

**Matewu 28:20 Va hevbudzeni gu landrisa satshavbo iso nyi nga mi  
hevbudzani. Gasi eni nyi na bani nyiri nanu gikhati gyatshavbo,  
kala guhegisani nya litigo."**

**Johane 14:1 "Mu nga garadzegi myonyo yanu. Khodwani ga  
Nungungulu, mu khodwa gambe gwangu.**

**Dzindzimo 23:1 - Johane 10:11 "Eni nyi muhavisi nya wadi.**

**Muhavisi nya wadi a ngu ningela womi khu gufela dzinvuta  
dzaye.**

**Dzindzimo 23:2 - Gutuledwa 7:17 Kholu Nvutana yi guromo  
vbagikhalotunu nya wufumu khiyo yi va havisago, yi va yisa  
namboni nya mati nya womi. Nungungulu a na va bavbula  
marongo yawe yatshavbo."**

**Dzindzimo 23:3,4 - Luka 1:79 gasi guta wenengedza avo va  
vbanyelago gidemani ni gusivbalani nya lufu, gumogo ni gu hi  
gimbidzisa khu ndzila nya gurule."**

**Dzindzimo 23:5,6 - 2 VaKorinto 1:10 Khuye a nga hi vbulugisa, a na  
simama gu hi vbulugisa gikhati gyatshavbo dzimhangoni nya  
gufe: hi vegide Gwaye gutumba gwathu nya gukhethu a na hi  
vbanyisa.**

**VaFilipi 4:7 Gurula ga Nungungulu gu dzi kodzago gu vboha ni omu  
hi si gu alakanyigo, gu na sayise myonyo ni mapimo khu ga  
Kristo Jesu.**

**Sifananiso 3:24 & Dzindzimo 4:8 - Johane 14:27 "Nyi ngu mi  
tshiyelani gurula, nyi ngu mi ningani gurula gwangu. Kha nyi  
ningi gurula kha nga idzo li ningago khidzo litigo. Mu nga  
garadzegini myonyo yanu, gambe mu nga thavi gilo.**

**Dzindzimo 33:18 - 1 Pedro 3:12 Kholu, Pfhumu, maho yaye ma gu  
khedza vathu nya vadi; gikhati gyatshavbo a gu yingisa  
milombelo yawe. Aholu, a ngu wugela avo va girago guvivba."**

**VaRoma 5:2 Khavbo ga Kristo ni kota nya gukhodwe gwathu, hi  
ningidwe wuhigo nya gutshanganiswe ni Nungungulu. Khuwo  
wuhigo owu hi vbanyago khuwo na hi tiyile ni gu dzi zundza  
khuwo, na hi gu lirela khu gunengela ni gitumbo guwona  
wudhumo wa Nungungulu.**

**Isaya 55:12 - Luka 19:40 Jesu a di va hakha, khuye: "Va gu kala va**

**degula avo, siwindri si na kulungela."**

**Johane 16:22 Gunene, olu mu na ni wusiwana, aholu eni nyi nata mi wonani nya luphye; gikhati gyogyo myonyo yanu yi na tala khu gunengela. Mwalo a na mi dzegelago gunengela gwanu.**

**Luka 12:9 Gasi uye a na nyi dangago vbakari nya vathu, a na dangwa nuye vbakari nya sirumwa sa Nungungulu.**

**Matewu 10:30 Ahati enu, nya gukhenu ni ndzudzu wa hungoni gwanu wu valedwe watshavbo!**

**Isaya 54:10 - Matewu 24:35 Yi na vbindra ndzadzi ni mafu, aholu mahungo yangu gima kha ma na vbindra.**

**Matewu 11:28-30 Deluni gwangu, enu mwatshavbo mu garadego ni gu lemedwa; eni nyi na mu hefemudza. 29 Rwalani pingwi wangu, mu hevbula kheni nyi gu ni monyo nya gurule nuwo nya du dzi sodzise, gasi mu mane gutangala nya myonyo yanu. 30 Kholu sileletelo sangu kha si garadzi, ni pingwi wangu wu vbevbugide."**

**Salomoni 2:10 & Oseyea 2:14,19,20**

**2 VaKorinto 11:2 Gu khathala gu ngu nyi girisa wufu, linani ga Nungungulu. Kholu enu mu khade nga sagadzyana nya makendzi, nyi mi ningedego ga mwama moyo basi, a gu Kristo.**

**Exodus 3:14 - VaHeberu 13:8 Jesu Kristo khuye wa moyo, wa vbanova, wa muhuno, ni wa gikhati gyatshavbo.**

**Oseyea 13:4 - Mithumo 4:12 Kha hi dzi kodzi gu mana guvbanyiswa khu mumbe muthu, kholu, mafuni gatshavbo limwalo limbe lina li riyidwego vathu li gu ni tshivba nya gu hi vbanyise."**

**Johane 15:14 Enu mu dzipari dzangu mwa gu girani iso nyi mi rumago.**

**Johane 14:6 Jesu a di khuye: "Eni kheni ndzila, ni lisine, ni guvbanya. Mwalo a vbohago ga Babe nyamba yiswa kheni.**

**Gutuledwa 3:20 Nyi womo vbalidimbatunu nyi khokhota. Uye a na pwago lito langu a nyi tulela, nyi na bela nyumbani gwaye nyi hodza naye, uye nuye a hodza ni eni.**